

四庫

全書

四庫全書

全書

第五六八册

四庫全書

●上海古籍出版社

本冊目次

廣西通志
附補纂

(四)

清金 鈺等監修……一

第五十八冊

● 上海古籍出版社

欽定四庫全書

史部
廣西通志卷九十七

詳校官給事中臣鄧文洋

檢討臣德生覆勘

總校官進士臣朱鈴

校對官編修臣盧遂

謄錄監生臣王元愷

欽定四庫全書

廣西通志卷九十七

藝文

文者載道之器所以比事紀時而形美諷德者胥
此尚矣粵西雖介荒服顧淵源述作文雅之傳亦
有可以備蒐討者况

昭代

綸綍煥乎若日月照臨瘴烟豁而毒霧消允宜矩矱百

欽定四庫全書

廣西通志
卷九十七

代冠冕聲言矣他如籌邊經國之奏議疏通而知
遠山川風土之紀述典核而不誣下至學士羈人
一歌一咏苟於政治風俗有關採而志之易日觀
乎人文以化成天下所謂人文者豈輦輓藻續之
謂哉志藝文

本朝

詔

康熙二十年十二月

皇帝詔曰朕繼承丕緒統御寰區仰惟

天地眷佑之庥

祖宗付托之重

聖祖母太皇太后慈訓之殷蚤夜孜孜勤求化理期於兵革寔息海寓乂安不意逆賊吳三桂負國深恩倡為變亂陰結奸黨同惡相援抗違詔令竊據疆土滇黔閩浙楚蜀閩隴兩粵豫章之間所在騷擾肆毒三桂僭稱偽號逆焰彌滋負罪尤甚朕恭行天討分

欽定四庫全書

康熙十七年

命六師勦撫並施德威互濟或繫頸於闕下或駢戮於師中擒捕誅鋤以次收服乃三桂既膺神殛逆孫世璠猶復鷁張距六詔之一隅延殘喘以拒命朕惟賊患一日不除則民生一日不靖策厲將士屢趣師期於是虎旅協心進逼城下賊衆計窮勢蹙通款軍門約日獻城克渠授首師克之日市肆不擾邊境晏如捷書既至上慰

宗

廟

社稷之靈下抒中外臣民之憤神人胥悅遐邇騰歡念自

變亂以來軍民荼苦如在水火披堅執銳卒歲靡寧行賁居送千里相望被兵之地既罹於鋒刃供億之衆復困於徵輸朕閔恤民艱不忍輒加額賦間施權宜之令用濟征繕之需意在除殘事非獲已而身處宮寢之內屢懷閭閻之依中夜屢興肝食不暇愬焉思治八載於茲今羣逆削平疆圉底定悉翦歷年之

欽定四庫全書

康熙十七年

蟲賊永消異日之隱憂用是蕩滌煩苛惟新庶政大沛寬和之澤冀臻熙皞之風

上諭

康熙十七年

上諭吏戶兵三部朕統御寰區孜孜圖治期於朝野安恬民生樂業共享昇平乃副朕宵旰勵精之願不意逆賊吳三桂背恩煽亂各處用兵禁旅征勦供應浩繁念及百姓困苦不忍加派科斂因允諸臣節次條

奏如裁減驛站官俸工食及存留各項錢糧改折漕
白二糧顏料各物增添鹽課鹽丁房田稅契身行糧
稅官戶田地錢糧奏銷浮冒隱漏田畝嚴行定例處
分用過軍需未經報部不准銷算以上新定各例不
無過嚴但為籌畫軍需早減逆賊以安百姓之故事
平之日自有裁酌各省督撫提鎮大小文武各官俱
宜上體朕意下念民生潔已奉公愛惜物力務期早
奏蕩平與民休息以稱朕又安海宇至意爾三部即
欽定四庫全書

通行傳諭遵行

康熙二十四年

上諭戶部原任廣西巡撫郝浴前差兩淮巡鹽澤已奉
公恤商裕課後經簡任鎮撫粵西清廉愛民克稱厥
職其所動錢糧非係入已從寬悉免追取以昭朕優
恤廉吏至意爾部即遵諭行

康熙三十三年

上諭戶部朕撫馭寰宇早夜孜孜惟以實惠及民俾登

康阜為念廣西四川貴州雲南四省俱屬邊地土壤
磽瘠民生艱苦與腹內舟車輻輳得以廣資生計者
不同朕時切軫懷歷歲以來屢施恩恤廣西省康熙
十六年通省錢糧十七年十八年民欠錢糧貴州省
二十二年秋冬二十三年春夏地丁錢糧又貴州四
川二省二十五年未完及二十六年應徵錢糧雲南
省二十七年以前屯地積欠錢糧俱經次第蠲豁茲
念育民之道無如寬賦矧邊省地方非再沛優恤之
恩則閭閻無由充裕所有康熙三十三年四省應徵
地丁銀米著通行蠲免仍行文該督撫徧加曉諭令
人需實澤以稱朕加惠遠省民生至意如有不肖有
司借端朦混私自徵收者該督撫指名奏劾從重治
罪爾部即遵諭行

康熙四十二年奉

旨湖南紅苗自明朝以來負固不服今仍剽掠我人民
牲畜生事多端其附近彼處人民亦搶奪人畜及事

發之後謫罪於紅苗者有之紅苗人等不可令在三省接壤之地以為民害若照招撫廣東八排徭人之例遣在京大臣前往帶荊州駐防滿洲兵一千並酌帶廣西貴州湖南三省兵乘此冬月直逼苗穴勒令歸誠設立州縣庶幾民生不致若此之擾害矣

康熙四十九年

上諭先因雲南貴州廣西四川四省補授官員一時不能到任懸缺甚多預先發人備用近見此等官員但

欽定四庫全書

廣西通志
卷九十七

六

知希圖即陞無一居官好者地方關係甚屬緊要此例不佳嗣後四省著停其預先發往仍照舊例歸月分銓選將得缺之人嚴勤限期即速發往任所庶員缺不致久懸地方亦有裨益

康熙四十九年

上諭戶部朕恭膺

天眷祇承

烈祖鴻庥統御萬方子育兆庶廬懷至治宵旰靡寧章際

海宇同風邊隅嚮化遐邇中外帖然衽席之安者皆

仰荷

天地

祖宗福祐之所致也方朕八齡踐阼之初

太皇太后問朕何欲朕對臣無他欲惟願天下治安生民樂業共享太平之福而已迄今五十年矣惓惓此心未嘗一日少釋每思民為邦本勤恤為先政在養民蠲租為急數十年以來除水旱災傷例應豁免外其

欽定四庫全書

廣西通志
卷九十七

直省錢糧次第通蠲一年者屢經舉行更有一年蠲及數省一省連蠲數年者前後蠲除之數據戶部奏稱通共會計已逾萬萬朕一無所顧惜百姓足君孰與不足朝廷恩澤不施及於百姓將安施乎朕每歲供御所需概從儉約各項奏銷浮冒亦漸次清釐外無師旅饋饋之煩內無工役興作之費因以歷年節損之儲蓄為頻歲渙解之恩膏朕之蠲免屢行而無國計不足之慮亦特此經畫之有素也比來省方時

邁已歷七省南北人民風俗及日用生計靡不周知而生民所以未盡殷阜者良由承平既久戶口日蕃地不加增產不加益日用不給理有必然朕洞矚此隱時深軫念爰不靳敷仁用甦民力明年為康熙五十年思再沛大恩以及吾民原欲將天下錢糧一概蠲免因衆大臣集議恐各處需用兵餉撥解之際兵民驛遞益致煩苦細加籌畫悉以奏聞故自明年始於三年以內通免一周俾遠近均霑德澤直隸奉天

欽定四庫全書

卷九十七

浙江福建廣東廣西四川雲南貴州各巡撫及府尹所屬除漕項錢糧外康熙五十年應徵地畝銀共七百二十二萬六千一百兩有奇應徵人丁銀共一百一十五萬一千兩有奇俱著察明全免並歷年舊欠共一百一十八萬五千四百兩有奇亦俱著免徵其五十一至五十二年應蠲省分至期候旨行民間舊欠既經豁免嗣後每年額徵錢糧務如數全完倘完不及額或別有虧空託稱民欠則負國甚矣即責令

督撫以下官員備補仍從重治罪夫地方大吏以及益司守令皆與吾民誼切休戚者也誠克體朕摯華保赤之懷實心愛養力杜侵牟朕則閭閻咸得衣食滋殖無有失所而為官吏者亦身名俱泰豈非昇平樂利之盛事歟爾部移文各督撫諭旨到日即刊刻頒布徧示窮簷令咸知悉

文

欽定四庫全書

卷九十七

廣西巡撫加贈太子少保兵部尚書謚文毅馬雄

鎮碑

康熙二十一年正月二十六日

朕惟臣子之誼大節為重然平居無事之時人人侈談忠義一旦臨事而為國捐軀確乎不奪者蓋寡則所稱成仁取義之士國家得之宜何如褒崇焉爾馬雄鎮海歷禁近簡授節旄恪共之譽有聞綏輯之功斯著豈意叛藩逆命怙惡弄兵急變起蕭牆之中孤城介桂嶺之外聲阻援絕形勢危爾則以死自持抗詞罵賊遂觸兇怒橫致幽囚然猶志切輸忠力圖滅

寇閭闔遣子萬里來歸慷慨上書一心罔二丹誠既通於王室闔門咸殉於巖疆節挺水霜歷四年而益厲操堅金石經百折而不撓可云烈矣嗚呼惟見危乃知授命之不易疾風勁草繫爾一身實荷綱常之鉅朝廷養士數十年有臣如此庶無負焉朕用既憫且嘉特考勲憲賜謚文毅躋以崇階爰勅貞珉昭示來世凡屬臣僚聞風興起咸思自勵爾之為功世道豈淺歟

欽定四庫全書

廣西通志
卷九十七

十

上諭

雍正元年五月十一日廣西巡撫孔毓珣摺奏請將捐助軍需銀兩解送西安奉

上諭凡地方官捐助軍需應先行奏聞否則或致分派屬員科斂民間亦未可定孔毓珣捐助銀兩既經解送則已該部可行文孔毓珣知之

雍正二年五月初九日

諭禮部兵部兩廣總督孔毓珣奏稱安南國王黎維禔

遣陪臣范謙益等賀登大寶貢獻方物並三年歲貢於閏四月初三日從廣西桂林府起身由水路進京等語朕因向來驛遞供應差違多有騷擾曾降諭旨定例供給之外不許溢額應付今安南國王慶賀大禮遣使遠來長途勞瘁應加恩恤其經過地方一切供給食用之物酌量增加令其充足以示朕嘉惠遠人之至意

雍正二年五月十九日

欽定四庫全書

廣西通志
卷九十七

十一

諭四川陝西湖廣廣東廣西雲南貴州督撫提鎮朕聞各處土司鮮知法紀所屬土民每年科派較之有司徵收正供不啻倍蓰甚至取其馬牛奪其子女生殺任情土民受其魚肉敢怒而不敢言莫非朕之赤子天下共享樂利而土民獨使向隅朕心深為不忍然土司之敢於恣肆者大率皆漢奸為之指使或緣事犯法避罪藏身或積惡生奸依勢橫行此輩粗知文義為之主文辦事教之為非無所不至誠可痛恨嗣

後督撫提鎮宜嚴飭所屬土官愛恤土民毋得視為魚肉毋得濫行科派如申飭之後不改前非一有事犯土司參革從重究擬漢奸立置重典切勿姑容寬縱以副朕子惠元元遐邇一體之至意

雍正二年九月二十三日

諭兵部各省副將以下遊擊以上官員輪流來京引見者朕念伊等遠來故皆賞給銀兩其雲南貴州四川廣東廣西福建六省路途甚遠尤與別省不同俱著欽定四庫全書
廣西通志
卷九十七
令馳驛前來兩部按其官員品級酌量給與驛馬仍只須照常計程行走不必因令馳驛過於急速如有欲自備夫馬不願馳驛者各隨其便

雍正二年十一月十二日

諭大學士等聞得廣西猺獠雜處匪類不時竊發踰山越嶺難以擒拏汎兵各守地界不敢擅自越境嗣後分防各弁不論何標何汎凡係附近地方毋分彼此互相接應庶匪類無可潛藏矣設兵原以衛民地方

若有匪類自當彼此策應協力擒拏著廣東廣西督撫提鎮公同酌議嚴飭各營汎一體遵行並傳諭直省督撫提鎮等凡地方有此等事當同心協力互相照應不可托言限於疆界而分彼此也

雍正三年正月二十九日

諭兩廣總督孔毓珣廣西蕉木山場常有礦徒騷擾雖屢經驅禁而巢窟尚在廣東終難安靖聞蕉木山路共有四汎在廣西者三在廣東者一兩省汎兵各宜

欽定四庫全書

廣西通志
卷九十七

盡心防緝不得坐視推諉嗣後將該管文武分地查核以專責任或礦徒從某地來不能稽察或已至某地不能擒逐或逃入某地不能堵截各就本地官弁題參議處庶兩省同心協力務期盜息民安以副朕意

雍正三年三月十五日

諭各省督撫周禮稱惟王建國體國經野孟子亦言仁政必自經界始疆界所關誠為至重從來兩省接壤

之地其界址多有不清雲貴川廣等處為尤甚間有一省之內各州縣地界亦有不清者每遇命盜等事則互相推諉殲厥鹽茶等有利之事則互相爭競甚非息事寧民之意朕深知此弊今特降諭旨與各省督撫其共夫公心勿存私見詳細清查如與鄰省地界有不清者則兩省各委賢員公同勘定若本省內地界有不清者即委本省賢員勘定地皆朕土人皆朕臣此盈彼絀悉在朕版圖之內無容分視也雖地

欽定四庫全書

卷九十七

上

雍正三年九月二十三日

上諭古者視歲之上中為儲蓄之節蓋官民經畫久遠不為一時苟且之計積之於豐年用之於歉歲所謂

有備無患法良而意美也朕自臨御以來宵旰勤求無刻不以民依為念乃重農積粟之詔屢下而閭閻卒少蓋藏官倉亦多虧缺即如直隸保定等府去歲頗稱有秋今春二麥亦熟乃以夏秋雨水過多田禾被澇而民間遂有饑色幾至流離若非多方賑恤窮民必至失所此皆草野無知食不以時用不以禮但快目前之有餘罔計異日之不足一遭旱澇追悔無從至於常平通倉原為備荒而設乃有司奉行不力

欽定四庫全書

卷九十七

上

多致缺額罪何可逭茲據江南浙江江西湖廣福建河南山西陝西廣東廣西雲南貴州等省督撫報稱今歲秋成八九十分不等朕覽奏不勝慰悅又重為吾民計及長久宜及此時講求儲蓄之道以備將來該督撫等可轉飭有司徧行曉諭務須撙節愛惜各留餘地預為他時緩急之需社倉之法亦宜趁此豐年努力行之勿但視為虛文故事朕為吾民壽畫養贍之道惓惓於懷無時或釋而吾民自謀其身家若

但苟且因循不復長顧遠慮則重負朕軫念元元之意矣至於州縣倉儲向有虧缺者若不趁此豐收之時速行買補將來發覺斷不姑貸慎之慎之

雍正四年四月二十二日

上諭弭盜之法莫良於保甲朕自御極以來屢頒諭旨必期實力奉行乃地方官憚其繁難視為故套奉行不實稽查不嚴又有藉稱村落畸零難編排甲至各邊省更藉稱土苗雜處不便比照內地者此甚不然

欽定四庫全書

卷九十七

五

村落雖小即數家亦可編為一甲熟苗熟獮即可編入齊民苟有實心自有實效嗣後督撫及州縣以上各官不實力奉行者作何嚴加處分保正甲長及同甲之人能據實舉首者作何獎賞隱匿者作何分別治罪其各省通行文到半年以內被舉盜犯可否照家長自首之例暫治以輕罪舉首之盜倘有從前未經發覺之案地方官可否從輕處分以免瞻循畏縮著九卿詳議具奏再盜案疎防文武各有處分雖著

有成例但中間事情尚有分別凡山海大盜聚衆多人土獮苗蠻成羣劫奪及響馬老瓜等賊聚有窩穴勢難擒捕者當責之弁兵如久無緝獲則文武一例處分情罪俱當若盜止十人以下蹤跡散處者則捕役力能擒制雖事發潛逃亦能躡探而營汛弁兵各有職守勢難遠緝此等盜犯似當專責州縣武職處分可否酌量從輕庶情法得平中無枉抑著九卿一併確議具奏

欽定四庫全書

卷九十七

五

雍正四年九月二十五日

上諭向來邊省要缺題請調補乃督撫提鎮拔用私員之捷徑其中多有委用非人且有題補後並不身履其地而因違俸遂得速陞者此天下之所共知所以康熙六十一年

聖祖仁皇帝曾下特旨以督撫提鎮題補太多此習相沿日久大有關係著九卿議奏經九卿以停止題補議准遵行在案朕思邊省地方益因烟瘴難居或苗蠻

頑桀官斯土者與內地不同是以邊俸較腹俸之陞遷為速耳今太平日久亦有烟瘴漸消風俗漸淳之處其地居極遠瘴癘未除者在任官員若照內地陞遷誠為偏抑至瘴癘已消俗漸轉移者仍照舊例題補陞轉亦覺太濫若九卿將各邊俸之缺或係瘴癘未除宜令督撫等題補或係風氣已轉可照內地選用一一分晰議奏至文武原屬一例武職官員亦應照文職官員令督撫提鎮等題補其遷轉之處亦論

欽定四庫全書

廣西通志
卷九十七

七

邊俸較俸為宜著一併議奏

雍正四年十月二十日

上諭直省地方官辦理欽部案件皆有定限其不依限完結者例有處分惟邊省苗疆間有督撫自行歸結之案地方官因無限期遂生怠玩以致案件稽遲民人受其拖累如廣西西隆州古障地方土目王尚義等與貴州普安州捧鮮地方之苗目阿九等互控一案曾經高其倬李紱各委員會勘任其遲延聞至今

尚未完結地方各官所司何事此案著鄂爾泰會同貴州廣西巡撫另委賢能大員速行審結嗣後遇有民苗爭訟事件該督撫嚴飭該管各官作速查審完結如地界兩省或有關提之人或有會勘之處兩省大吏務須和衷辦理不得互相推諉其有不肖有司託故稽遲巧為推卸者亦當指名題參不可徇庇本省屬員任其遲延如經朕訪聞督撫徒自取愧耳

雍正四年十月二十六日

欽定四庫全書

廣西通志
卷九十七

七

上諭上年廣西省補行大計撫臣曾將所屬土司薦舉卓異彼時部議以土司薦舉卓異之處應行停止朕允從部議今聞廣西所屬安平田州二土司愛養土民輕徭薄賦實他處土司所不能及朕甚嘉之其應作何加恩賞賚之處著該部議奏其各省所屬土司果有奉法稱職裨益地方者該督撫不必拘三年大計之例隨時薦舉朕當酌加恩獎以昭鼓勵

雍正五年二月初三日

諭雲南貴州四川廣西督撫提鎮等紳苗素稱兇悍加以漢奸販棍潛藏其中引誘為惡以致燒殺剽掠毒害善良居民深受其擾今督臣鄂爾泰等奉旨勦撫業已擒獲兇苗販棍正在撫恤地方籌畫久遠之計朕聞滇黔蜀粵四省接壤之區徭獞雜處不時統衆越境讐殺攪害鄰封地方文武官員往往以責任不專彼此推諉苟且因循以致塵案莫結者甚多此天下之共知共聞者如廣西西隆州古障地方土目王

欽定四庫全書

廣西通志
卷九十七

七

尚義等與貴州普安州捧鮮地方之苗目阿九等互控一案遷延數年之久尚未審理朕已降旨督責此即其明証也況各省所設汛防在於腹內而徭獞則環居腹外防範難週遇有殺掠必待事主稟報始行追捕往返耽延兇徒已遠遁矣四省督撫提鎮宜各委賢員於四省接壤之地勘明界址凡徭獞販棍往來要路設立營汛派撥遊守等官帶領弁兵駐防稽察倘有越境讐殺剽掠之事即時擒解不使漏網其

委防弁兵以一年為期即於四省附近營伍內輪流撥換如一年之內無越境生事之人有而能逐名拏獲者四省督撫提鎮會同保題從優議叙兵丁量加賞賚倘有貪功生事騷擾地方者立即題參從重治罪朕意如此於地方有益與否其如何分界設汛派撥弁兵經理妥協之處著四省督撫提鎮悉心商酌定議具奏

雍正五年二月二十八日

欽定四庫全書

廣西通志
卷九十七

七

上諭聞廣兩省督撫常稱本省產米甚少不足以敷民食總督高其倬亦曾具奏巡撫楊文乾則云廣東所產之米即年歲豐收亦僅足供半年之食朕思本省之米不足供本省之食在歉歲則有之若云每歲如此即豐收亦然恐無此理或田疇荒廢未盡地力或耕耘怠惰未用人功或奸民希圖重價私賣海洋三者均未可定昨曾面諭九卿今廣西巡撫韓良輔奏稱廣東地廣人稠專仰給於廣西之米在廣東本處

之人惟知貪射重利將地土多種龍眼甘蔗烟葉青
靛之屬以致民富而米少廣西地瘠人稀豈能以所
產供鄰省多人之販運等語此奏與朕前旨相符可
知閩廣民食之不敷有由來矣著二省總督巡撫等
悉心勸導俾人人知食乃民天各務本業盡力南畝
不得貪利而廢農功之大不得逐末而忘稼穡之艱
至於園圃果木之類當俟有餘地餘力而後為之豈
可圖目前一時之利益而不善畫於養命之原以致
緩急無所倚賴而待濟於鄰省哉假若鄰省或亦歎
收則又將何如哉該督撫等務須詳切曉諭善為化
導俾愚民豁然醒悟踴躍趨事則地方不致虛耗而
米穀不致匱乏矣每見各省督撫大吏皆各私其所
轄之地方而於鄰省之休戚膜外視之如高其俾則
請運江南之米於福建而陳時夏又欲留貯於江南
楊文乾則欲運廣西之米於廣東而韓良輔又欲留
貯於廣西伊等各從疆界起見甚屬偏小朕君臨萬

方普天率土皆吾赤子一省米穀不敷自然接濟於
鄰省有無相通古今之義若封疆大吏各據本地實
情奏聞則朕易於辦理倘各存偏向本省之見不肯
通融接濟則朕辦理甚難若開捐納以積穀則地方
米價必致高昂若截漕米以濟民則天庾所闕更為
緊要輾轉思維實無善策是在凡為督撫者體朕一
視同仁之意酌地方之緩急為有無相通之道勿以
彼此隔屬有心區別如此方不愧大臣公忠之誼而
於國家懷保小民之治大有裨益也

雍正五年二月二十九日

上諭前鄂爾泰曾密奏稱廣西泗城土司甚屬不法素
為民害請勅令廣西巡撫提督懲治朕曾降旨詢問
韓良輔據韓良輔奏請欲往雲南與鄂爾泰面加商
酌朕思此事甚有關係自然非韓良輔與鄂爾泰面
議不可昨都察院咨奏原任廣西州判程旦控告羅
文剛一案羅文剛統衆肆惡吞噬十一處村落竟敢

欽定四庫全書

廣西通志

卷七

欽定四庫全書

廣西通志

卷七

與官兵相抗不容設立塘汛李紱身為封疆大臣逡巡畏縮苟且彌縫但為掩飾一時之計而於地方之利害民生之休戚毫不關心甘汝來時為臬司亦因循怠忽不能整頓昨令廷臣詢問二人俱俯首無詞即此一節則李紱之在廣西不能實心辦事專務虛名養奸貽患而兇惡之土司皆不能整理約束可知矣李紱甘汝來相繼為廣西巡撫彼地情形素所熟悉著二人前往廣西辦理土司之事從前疎縱之兇徒羅文剛等著即交與李紱甘汝來速行擒拏不得容其兇脫韓良輔前往雲南與鄂爾泰會商時著李紱一同前往將副將張傑調至省城署理廣西提督印務李紱一到同韓良輔即起身赴滇韓良輔起身後巡撫印務著甘汝來署理前朕准給韓良輔假期送其母櫬回籍著俟公事完議後伊酌量起身李紱甘汝來負朕擢用深恩今加寬宥容其効力贖罪務將廣西境內不法之苗夷與地方不法之奸民悉心

節制

雍正五年三月初三日

料理俾盡革兇頑遵奉國憲以安良善以靖地方倘目前疎縱之羅文剛等不能擒獲及伊等料理土司之事虛文掩飾以卸目前之責將來仍有兇苗妄行干犯王章者定將李紱甘汝來在廣西地方正法程旦著交與田畯或於擒拏羅文剛案內有可差違識認之處在田畯酌量韓良輔奏稱廣西要缺需人著吏部揀選引見又如曠賊盤踞於兩廣之間而兩省官員互相推諉以致宵小肆行良民時受其擾著李紱甘汝來會同阿克敦將兩省疆界一一清查如何分別防範管理酌定規制使汎地各有專責匪類無計潛藏倘李紱甘汝來仍復怠忽將來發覺定行重治其罪若泗城土司怙惡不悛有應行用兵之處交與鄂爾泰調度廣西巡撫提督總兵官俱聽鄂爾泰

上諭自古帝王致治誠民莫不以重農為首務書陳無